



26 September 2017
26 September 2017
P.U. (A) 269

WARTA KERAJAAN PERSEKUTUAN

FEDERAL GOVERNMENT GAZETTE

KAEDAH-KAEDAH KUMPULAN WANG SIMPANAN PEKERJA (PINDAAN) 2017

EMPLOYEES PROVIDENT FUND (AMENDMENT) RULES 2017

DISIARKAN OLEH/
PUBLISHED BY
JABATAN PEGUAM NEGARA/
ATTORNEY GENERAL'S CHAMBERS

AKTA KUMPULAN WANG SIMPANAN PEKERJA 1991

KAEDAH-KAEDAH KUMPULAN WANG SIMPANAN PEKERJA (PINDAAN) 2017

PADA menjalankan kuasa yang diberikan oleh seksyen 73 Akta Kumpulan Wang Simpanan Pekerja 1991 [*Akta 452*], Lembaga membuat kaedah-kaedah yang berikut:

Nama

1. Kaedah-kaedah ini bolehlah dinamakan **Kaedah-Kaedah Kumpulan Wang Simpanan Pekerja (Pindaan) 2017**.

Pindaan kaedah 2

2. Kaedah-Kaedah Kumpulan Wang Simpanan Pekerja 1991 [*P.U. (A) 493/1991*], yang disebut “Kaedah-Kaedah ibu” dalam Kaedah-Kaedah ini, dipinda dalam kaedah 2 dengan memasukkan selepas takrif “kad pengenalan” takrif yang berikut:

‘ “pengamal perubatan berdaftar” ertinya pengamal perubatan yang berdaftar penuh di bawah seksyen 14 Akta Perubatan 1971 [*Akta 50*];’.

Pindaan kaedah 41

3. Kaedah-Kaedah ibu dipinda dalam kaedah 41—

(a) dengan menggantikan subkaedah (2), (3), (4), (5) dan (6) dengan subkaedah yang berikut:

“(2) Jika notis pengeluaran dibuat atas alasan bahawa ahli Kumpulan Wang tidak berupaya dari segi fizikal atau mental untuk bekerja, ahli Kumpulan Wang itu atau pemohon itu hendaklah memberikan notis pengeluaran kepada Lembaga mengikut apa-apa cara yang ditentukan oleh Lembaga bersama-sama dengan—

(a) laporan perubatan daripada mana-mana pengamal perubatan berdaftar yang menyatakan bahawa—

(i) ahli Kumpulan Wang itu tidak berupaya dari segi fizikal atau mental untuk bekerja; atau

(ii) ahli Kumpulan Wang itu perlu dirujuk kepada Lembaga Perubatan; dan

(b) apa-apa dokumen lain yang ditentukan oleh Lembaga.

(3) Apabila notis pengeluaran di bawah subkaedah (2) diterima, Lembaga boleh merujuk ahli Kumpulan Wang itu kepada Lembaga Perubatan yang terdiri daripada tidak kurang daripada dua orang pengamal perubatan berdaftar yang dilantik oleh Lembaga dan Lembaga Perubatan itu hendaklah memeriksa ahli Kumpulan Wang itu dan mengemukakan kepada Lembaga, perakuan dan pandangannya tentang ketidakupayaan ahli Kumpulan Wang itu untuk bekerja mengikut apa-apa cara yang ditentukan oleh Lembaga dan menurut garis panduan bagi pengeluaran atas sebab hilang upaya yang dikeluarkan oleh Lembaga.

(4) Lembaga Perubatan boleh meminta ahli Kumpulan Wang itu untuk mengemukakan laporan atau dokumen tambahan dan melakukan pemeriksaan susulan sebelum Lembaga Perubatan mengemukakan perakuan dan pandangan berhubung dengan ketidakupayaan ahli Kumpulan Wang itu untuk bekerja.

(5) Jika ahli Kumpulan Wang tidak berpuas hati dengan perakuan dan pandangan Lembaga Perubatan di bawah subkaedah (3), ahli Kumpulan Wang itu boleh memohon secara bertulis kepada Lembaga untuk dikaji semula perakuan dan pandangan Lembaga Perubatan itu dan apa-apa keputusan yang dibuat oleh Lembaga adalah muktamad.

(6) Permohonan di bawah subkaedah (5) hendaklah dibuat tidak lewat daripada tiga puluh hari dari tarikh ahli Kumpulan Wang itu